

唐陸宣公翰苑集

卷一
五

唐陸宣公翰苑集卷第六

汪肇龍稚川

程瑤田易田

山右張佩芳蓀圃注釋

新安

汪梧鳳在湘

參訂

方矩晞原

涇陽柏森子餘校刊

制誥六

冊命祝冊祭
文策問答表

冊淑妃王氏爲皇后文

唐書百官志凡王言之制
有七一曰冊書立皇后皇

太子封諸王臨軒冊命則用之中書令讀侍郎
持授之(后妃傳)德宗昭德皇后王氏本仕家失

其譜系帝爲魯王時納爲嬪生順宗尤見寵禮
既卽位冊號淑妃贈其父遇揚州大都督子姓
姻出悉得官貞元二年妃
久疾帝念之遂立爲皇后

維貞元二年歲次丙寅十一月丁亥十一日丁酉皇帝

若曰乾坤合德聖人則之惟帝承天惟后配帝前漢外戚傳序

漢興因秦之稱號帝母稱皇太后祖母稱太皇太后適
稱皇后注師古曰后亦君也天曰皇天地曰后土故天
子之妃以后爲稱取象二儀嗣續百代母臨萬邦位定於中而尊加

於外德修諸己而化被於人御於家邦所繫斯在三代

崇替靡不由之史記外戚世家自古受命帝王及繼體

之助焉夏之興也以塗山而桀之放也以末喜殷之興
也以有娥紂之殺也嬖妲己周之興也以姜嫄及大任

而幽王之禽也注于褒姒予是以詢眾採賢重難茲命中壺虛位於

今歷年陰儀或虧宗事無主

儀禮父醮子命之辭曰往迎爾相承我宗事注宗事

宗廟之事缺於典禮朕甚愧焉稱是徽章聿歸全德咨爾淑

妃王氏

唐后妃傳唐制皇后而下有貴妃淑妃德妃賢妃是為夫人事物紀原淑妃婦官名魏明帝所

置齊末明中有司奏淑妃舊擬九棘以淑為溫恭之稱妃為亞后之名進同貴妃加比三司天與淳

粹氣鍾元和含章在中發秀於外卓爾風操穆然容輝

周旋中規進退有度仁愛恭儉稟於生知詩書禮樂成

自師氏

白虎通婦人所以有師何學事人之道也詩云言告師氏言告言歸國君取大夫之妾士之妻

老無子者而明于婦道又竭其孝敬祇事先朝承事無

違克諧尊旨往居桂苑淑聞已彰洎奉椒塗

西都賦後宮則掖庭

椒房后妃之室漢官儀皇后稱椒房詩云椒聊之實蕃衍盈升國人美其繁以爲興又以椒塗宮室亦取其溫

煖辟謙光載路言無伐善志在匿瑕柔嘉自持詩柔嘉

喜慍莫見六宮攸序

周禮天官內宰以陰禮教六宮注鄭司農云陰禮婦人之禮元謂六

宮謂后也后象王立六宮而居之亦正寢一燕寢五教者不敢斥言之謂之六宮若今稱皇后爲中宮矣九

族以親書堯典克明俊德以親九族音義九族上自高祖下至元孫焉尚喪服小記親親以三爲五

以五爲九上殺下殺旁殺而親畢矣注己上親父下親

子三也以父親祖以子親孫五也以祖親高祖以孫親

元孫九也疏庾氏云由祖以親曾高二祖由孫以親曾元二孫嘗屬艱迤累從行幸思

賢才以輔佐知臣下之勤勞庶績伊凝頗資內助永念

頃筐之志

詩周南采采卷耳不盈頃筐序卷耳后妃之志也

且懷求劔之情

前漢

外戚傳許廣漢女平君宣帝立平君為婕妤是時霍將軍有少女與皇太后有親公卿議更立皇后皆心儀霍

將軍女亦未有言上乃詔求微時故

劔大臣知指白立許婕妤為皇后

崇位長秋

前漢百官公卿

表將行秦官景帝中六年更名大長秋師古注秋者收成之時長者恆久之義故以為皇后官名

盛典矧惟元子貞我萬邦稽舊章是宜從貴

公羊隱元年傳

母以子貴注妾子立則母得為夫人也謹按德宗紀大

歷十四年夏五月德宗即位六月進封子宣城郡王誦

為宣王十二月立宣王誦為皇太子

子即順宗也淑妃所生故曰從貴

節冊命爾為皇后

通典開元禮臨軒冊命皇后將行冊禮所司奏請太尉為使司徒為副前

一日尚舍奉御設御幄於太極殿庭陳設樂懸內外官

次侍衛警蹕竝如納后儀皇帝將出仗動太樂令令撞

黃鍾之鐘右五鐘皆應協律郎跪俛伏興舉麾鼓祝奏
太和之樂鼓吹振作皇帝出自西房卽御座南向坐符
寶郎奉寶置於御座如常樂止通事舍人引冊使副入
就位太尉初入門舒和之樂作至位樂止立定典儀唱
曰再拜贊者承傳命羣官在位者皆再拜侍中前承制
降詣使者東北西面稱有制冊使再拜侍中宣制曰冊
某氏爲皇后命公等持節展禮宣制訖又俱再拜侍中
還侍位黃門侍郎持節西面授太尉太尉受付主節立
於使後黃門侍郎退中書侍郎引冊案及琮璽綬案立
於冊使東北西面中書侍郎取璽持案者退自使後立於
太尉之左西面授太尉太尉受冊置於案持案者退立
於使者後中書侍郎又取琮璽綬以授太尉太尉受置
於案皆如受冊之儀中書侍郎退典儀曰再拜贊者承
傳羣臣在位者皆再拜通事舍人引冊使出持節者前
導持案者次之太尉初行樂作出門樂止侍中前奏稱
侍中臣某言禮畢俛伏興還侍位皇帝降座侍衛警蹕
如來儀入自東房樂止通事嗚呼敬哉王教之端始於
舍人引羣官在位者以次出

內範風美關雎之化

詩序關雎后妃之德也風之始雅也所以風天下而正夫婦也

詠思齊之德

詩大雅思齊太任文王之母傅齊莊箋云常思莊敬者太任也乃爲文王之母序太

任文王所以聖也

罔懈厥位忝于前修克念有終庶無後悔奉

承休命可不慎歟

冊嘉誠公主文

初學記昔堯女有娥皇女英舜妹有敷手舜女有宵明燭光湯有帝

乙歸妹周武王之女嫁于陳故公主未有封邑

之號至周中葉天子嫁女于諸侯天子至尊不

自主婚必使諸侯同姓者主之始謂之公主秦

代因之亦曰公主史記云李斯男皆尙秦公主

是也漢制帝女爲公主帝姊妹爲長公主帝姑

爲大長公主後漢制皇女皆封縣公主儀服同

蕃王其尊崇者加號長公主諸王女皆封鄉亭

公主儀服同鄉亭侯自晉之後帝女依西漢曰

公主帝之姑姊妹並曰長公主自漢以來皆別置第舍府屬至隋省府屬唐神龍初又置府屬景龍末復省唐書百官志皇姑爲大長公主正一品姊妹爲長公主女爲公主皆視一品皇太子女爲郡主從一品親王女爲縣主從二品

維貞元元年歲次乙丑六月甲子朔十二日乙亥皇帝

若曰王者以義睦宗親以禮敦風俗義之深實先於友

愛禮之重莫大於婚姻

儀禮士昏禮鄭目錄云士娶妻之禮以昏爲期因而名焉必以

昏者陽往而陰來日入三商爲昏昏禮於五禮屬嘉禮詩小雅昏姻之故爾雅婿之父爲姻婦之父爲婚婦之父母婿之父母相謂爲婚姻昏婚古今字故春秋書築館之儀春秋莊元年年

館于

易象著歸妹之吉

易泰六五帝乙歸妹以祉元吉我公主德宗妹也

予是

用祇考令典率由舊章咨爾嘉誠公主

唐書諸帝公主列傳代宗十八

女趙國莊懿公主始封武清貞元元年徙封嘉誠下嫁魏博節度使田緒德宗幸望春亭臨餞厭翟不可乘

以金根代之公主出降乘金根車自主始

孝友柔謙外和內敏公宮稟訓四

德備修

禮昏義古者婦人先嫁三月祖廟未毀教于公宮祖廟既毀教于宗室教以婦德婦言婦容婦

功教成祭之牲用魚芼之以蘋藻所以成婦順也周禮

天官九嬪掌婦學之法以教九御婦德婦言婦容婦功

後漢書皇后紀序九嬪掌教四

疏邑啟封命爲公主徽

章所被禮實宜之今遣光祿大夫檢校司徒同平章事

汧國公勉

謹按勉李勉也

持節冊命

通典開元禮冊公主前一日尚舍奉御設御幄於太

極殿如常守宮設羣官次於東西朝堂奉禮設版位太樂令展宮懸典儀設舉麾位如常又設文武羣官版位

五品以上於橫街北六品以下於橫街南文東武西俱
重行諸親於五品之南設典儀位如常儀贊者二人在
南少退俱西向冊使立於懸北西上俱北面其日諸衛
屯門列仗如常冊使羣官等依時刻集朝堂次改服朝
服通事舍人各引就朝堂位侍中量時刻版奏請中嚴
級戟近仗入陳於殿庭太樂令帥工人入就位協律郎
入就舉麾位典儀帥贊者先入就位諸守衛之官各服
其器服符寶郎先請寶俱詣閣奉迎通事舍人分引王
公羣官入就位又通事舍人引冊使及副使並入立於
殿門外道東西面以俟黃門侍郎帥主節奉節及幡立
於階仗南節在前中書侍郎先請冊置於案令史降公
服各對舉案立於節南道東西面中書侍郎立於案後
侍中版奏外辦所司承旨索扇扇上皇帝服通天冠絳
紗袍御輿以出曲直華蓋警蹕侍衛如常太樂令撞
黃鍾之鍾右二皆應協律郎舉麾鼓祝樂作皇帝出
自西房卽御座南向坐扇開協律郎偃麾戛致樂止符
寶郎奉寶置於御座典儀贊拜羣官在位者俱再拜訖
通事舍人引冊使入就位冊使等初入門舒和之樂作

至位樂止立定典儀曰再拜贊者承傳冊使等皆再拜
侍中進當御座前北面跪奏稱侍中臣某言冊公主請
命使俛伏興又侍中少前稱制曰可退復位侍中承制
降詣使者北面稱有制冊使副等俱再拜侍中宣制曰
冊某公主命公等持節展禮宣制訖使副等又再拜侍
中還侍位贊禮者引冊使少前黃門侍郎引主節詣冊
使東北主節以節授黃門侍郎黃門侍郎持節西南授
冊使跪受興付主節幡隨節立於使左黃門侍郎退贊
禮者導中書令詣冊使東北面立又贊禮者導中書侍
郎引詣公主冊案立於中書令之右中書令於案取公
主冊授冊使冊使跪受興置於案贊禮者引中書令與
冊使俱北向退復位典儀曰再拜再拜訖通事舍人引
冊使等右旋而出持節者前導持案者次之冊使等初
行樂作出門樂止侍中前跪奏稱侍中臣某言禮畢俛
伏興還侍位所司承旨索扇扇上皇帝興太樂令令撞
鞀賓之鐘左五鐘皆應鼓祝奏太和之樂皇帝降座御
輿入自東房侍衛警蹕如來儀侍臣從至闕扇開樂止
通事舍人引羣官在位者以次出舉冊者及冊使至長

樂門外次
如後儀
爾惟欽哉下嫁諸侯諒惟古制肅雍之德見

美詩人

詩序何彼穠矣美王姬也雖則王姬亦下嫁于諸侯車服不繫其夫下王后一等猶執婦道以

成肅雝之德也

和可以克家敬可以行已奉若茲道末孚於休

懋敦王風勿墜先訓光膺盛典可不慎歟

冊蜀王妃文

通鑑音注舊志蜀州去京師三千三百三十二里唐書十一宗諸子列傳

代宗二十子蜀王遡本名遂大曆十四年始王建中二年改今名

維建中二年十一月某日皇帝若曰夫茂建親戚以敦族固本明慎選納以厚別蕃嗣實人倫之始王教之端也朕奉若謨訓允求淑哲賢必有象鍾慶於令門網不

失親載光於戚里

史記萬石君傳高祖召其姊為美人以畜為中涓受書謁徙其家長安中

戚里索隱曰小顏云于上有姻戚者皆居之故名其里

謂外戚故某官駙馬都尉通典奉車駙馬騎三都尉並

漢武帝元鼎二年初置駙馬

掌駙馬晉以三都尉奉朝請唐駙馬都尉從五品皆尙

公主者為之開元三年八月敕駙馬都尉從五品階宜

依令式仍借田擇交第若干女生稟柔惠習知禮則容

紫金魚袋

德純備孝睦洽聞可以叶美好速詩窈窕淑女輔成樂

善是用使某官某持節冊命為蜀王妃通典開元禮冊親王妃其日妃

使副之南少退俱東面主人公服以出贊禮者引立於
東階東南諸宗人立於主人東南俱西向外姻立於西
方東面皆北上妃嚴於別室以俟媼服禮衣立於其右
女相者緇禮衣紳女贊者二人綵禮衣立於內寢東階
東南西面北上贊禮者公服引主人出門東西面再拜
使者不答拜謁者引使者持節者前導入門而左使副
以下從之主人立於閣外之東西面典謁引使者入閣
立於內寢階間南面持節者立於使者之東少南西面
使副立於使者西南持節者又立於使副之南少退
俱東面女相者引妃出障以行帷其侍從提挈如式媼
左右以相近當使者南北面立持節者脫節衣又女相
者引宗人外姻之婦人於序位之東西廂俱北上立定
史舉案詣使副前使副受冊史以案退復位使副舉冊
授使者退復位使者稱有制女相者曰再拜女贊者承
傳妃再拜使者讀冊訖女相者曰再拜女贊者承傳妃
再拜訖女相者引妃少前傳媼進受冊以退其羽儀依
式俱進持節者加節衣典謁引使者持節者前導以出
俱復門外位主人拜送於門外使者還主人入初使者

出女相者引妃入嗚呼敬之哉備禮以崇其好合起家而榮其

爵位非義信不固非溫順不親克恭匪懈則罔攸悔朕

言必復可不慎歟

冊杞王妃文

唐書十一宗諸子列傳肅宗十四子杞王倓貞元十四年薨

維建中二年十一月某日甲子皇帝使某官持節冊命

某官竇泚第若干女爲杞王妃曰嗚呼禮以大婚崇繼

嗣本人倫之教詩言淑女配君子繫王化之綱蓋率人

成風由內及外得不采嘉耦以固盤石

前漢文帝紀宋昌曰高帝王子

弟犬牙相制所謂盤石之宗也

刑閨門以御家邦

詩刑于寡妻至于兄弟以御于家邦傳刑

法也箋御治也箋詳求惟難歷選茲久時乃之擇得于舊姻柔婉

稟乎天和禮樂成於家法明章婦順虔奉姆儀禮內則

婉聽克茂鵲巢之規詩序鵲巢夫叶宣麟趾之美詩序

從從趾關雎我其祇膺嘉禮周禮嘉禮之別六此謂昏禮也

之應也我大宗伯之職云以嘉禮親萬民其

第二日云以昏冠之禮親成男女欽率內教淑慎厥心無替于後嗚呼

可不慎歟

告謝昊天上帝册文周禮大宗伯以禋祀祀昊天上帝

樂以雲門元謂昊天上帝冬至于圜丘所祀天

皇大帝陳氏禮書昊天上帝之名歷代不同漢

初曰上帝曰太乙元始閒曰皇天上帝惟西晉後齊後

周隋唐乃曰昊天上帝而鄭氏以星經推之謂昊天上帝卽天皇大帝名雖不同其實一也

維貞元元年歲次乙丑十一月癸巳朔十一日癸卯嗣

天子臣某敢昭告于昊天上帝顧惟寡昧不克明道不

膺眷命俾作神主

書眷求一德俾作神主詩百神爾主矣

常恐獲戾上下

而播災於人兢兢業業夙夜祇畏居位五祀德馨茂聞

皇靈不歆是用大儆殷憂播蕩踰歷三時誠懼烈祖之

耿光

書以覲文王之耿光

墜而不耀側身思咎庶補將來上帝顧

懷誘衷悔禍勦凶慝之凌暴雪人神之憤恥舊物不改

神心載新茲乃九廟遺休兆人介福以臣之責其何解

焉閒屬寇虞久稽告謝今近郊甫定

按周禮載師有近郊遠郊之文杜子

春注云五十里為近郊百里為遠郊

長至在辰

禮記郊特牲郊之祭也迎長日之至也陳澧集說長

日之至謂冬至陽之始日漸長故冬至郊天所以迎長日之至也通典景雲元年十一月十三日乙丑冬至祀

圓丘時陰陽人盧雅侯藝等奏請促冬至就十二日甲

子以為吉會右臺侍御史唐紹奏曰禮所以冬至祭圓

丘于南郊夏至祭方澤于北郊者以其日行躔次極于

南北之際也日北極當晷度循半日南極當晷度環周

是日一陽爻生為天地交際之始故易曰復見天地之

心乎即冬至卦象也一歲之內吉莫大焉甲子但為六

旬之首一年之內隔月常遇既非大會晷運未周唯總

六甲之辰助四時而成歲今欲避環周以取甲子是背

大吉而就小吉謹以玉帛犧牲粢盛庶品

也竟依紹議

書泰誓犧牲粢盛傳黍稷

曰粢在冀憑禋燎式薦至誠太祖景皇帝配神作主尙

器曰盛

饗唐宗室世系表太祖景皇帝虎字文彬後周柱國大將軍唐國襄公通鑑武德元年六月己卯祠四親廟

主追尊皇高祖瀛州府君曰宣簡公皇曾祖司空曰懿

王皇祖景王曰景皇帝祖妣曰景烈皇后廟號太祖皇

考元王曰元皇帝廟號世祖妣后獨孤氏曰元皇后妃

竇氏曰穆皇后每歲祀昊天上帝皇地祇神州地祇以

景帝配感生帝

明堂以元帝配

告謝元宗廟文

舊唐書元宗紀元宗皇帝諱隆基睿宗第三子也

維貞元元年歲次乙丑十一月癸巳朔十一日癸卯孝

曾孫嗣皇帝臣某敢昭告于皇曾祖考元宗至道大聖

大明孝皇帝

通鑑音注此論廣德元年所定

祖妣元獻皇后楊氏

唐書后妃

列傳元宗元獻皇后楊氏華州華陰人生肅宗至德二載太上皇自蜀詔有司共議尊稱遂上冊諡寶應末祔

秦陵臣猥承聖緒獲主大器懼德不嗣靡所安寧任重道

悠竟貽顛越京闕生變神人無依臣懷永圖書惟懷不

敢自棄忍恥含憤迨于載遷戴天履地俯仰慚惕率賴

烈祖遺澤感深于人心攸歸天意允若肆予小子憑

宗廟之積慶再復于鎬京在臣愆尤曷云有補豈敢自

蔽以重于厥辜頃以寇孽在郊禮物未備久稽告謝伏

積兢惶今祇見闕宮詩魯頌闕宮有血傳闕閉也先妣

子曰是禱宮也箋云闕神也姜嫄之廟在周常閉而無事孟仲

剛鬣明粢薌合薌其嘉蔬曲禮凡祭宗廟之禮牛曰一

元大武豕曰剛鬣羊曰柔毛

黍曰薺合梁曰薺其稷曰明粢稻醴齊周禮天官酒正

曰嘉蔬注號牲物者異於人用也醴齊辨五齊之名二

曰醴齊注醴猶體也成而因時備物通典太廟九室用

萍汁相將如今恬酒矣

以石鹽乾魚乾棗栗黃牛脯菱芡鹿脯白餅黑餅粉

粉養豆實韭菹醢醢菁菹鹿醢芹菹兔醢笋菹魚醢

析菹豚胎飴食糝食簋簋各二簋實黍稷飯簋實稻

飯甄鉶各一甄實大羹鉶實肉羹凡神祀之物當時

無者則以虔奉嚴禋尙饗

時物代之

告謝肅宗廟文

唐書肅宗紀肅宗文明武德大聖大宣孝皇帝諱亨元宗第三子也

維貞元元年歲次乙丑十一月癸巳朔十一日癸卯孝

孫嗣皇帝臣某敢昭告于皇祖考肅宗文明武德大聖

大宣皇帝皇祖妣章敬皇后吳氏

唐書后妃列傳肅宗章敬皇后吳氏濮州

濮陽人生代宗年十八薨代宗卽位羣臣請以後祔肅宗廟乃追爲皇后上諡合葬建陵臣嗣服先

業不克負荷人流于下事失其中姦魁乘釁作亂京邑播遷之咎臣實自貽震驚宗祧曠時乏祀外憂內愧若墜深泉勵已誓心期刷大恥實賴聖祖中興之業全育兆人澤深慶遠流福裔嗣故上天悔禍羣孽就誅非臣寡昧所能纘服今祇率百辟見於廟廷謹以一元大武柔毛剛鬣明粢薌其嘉薦嘉蔬醴齊備物潔誠聿申告謝尙饗

告謝代宗廟文

通鑑音注代宗初名倓後改名豫肅宗長子也登遐之後議上廟號

曰世宗避太宗
諱改曰代宗

維貞元元年歲次乙丑十一月癸巳朔十一日癸卯孝
子嗣皇帝臣某敢昭告於皇考代宗睿文孝皇帝伏惟
元德廣運重光盛業武平多難仁育羣生謂臣克堪付

以大寶

易聖人之
大寶曰位

臣自底不類再罹播遷宗祧乏享億

兆靡依下辜人心上負先顧敢愛隕越苟全眇身大懼
社稷阽危以憎九廟之愧由是忍恥誓志庶補前羞列
聖在天鑒臣精懇敷錫丕祐俾之續承凶渠殄夷都邑
如舊茲臣獲執犧牲珪幣載見於廟延感慕慚惶若罔

攸厝謹以云云陳誠待罪式奉嚴禋尙饗

祭大禹廟文

維貞元元年某月某日皇帝遣某官以牢醴之奠敬祭

於大禹之靈惟王德配乾坤智侔造化拯萬類於昏墊

畫益稷下分九州於洪波經啟之功左傳虞人之箴曰

民昏墊於今是賴巍巍蕩蕩無得而名顧以眇身辱承

九道州經啟於今是賴巍巍蕩蕩無得而名顧以眇身辱承

大寶時則異於今古道寧閒於幽明雖依聖垂休諒非

可繼而勤人勵己竊有所希迨茲八年理道猶昧沴氣

鬱結庚信哀江南賦降爲凶災邦無宿儲野有餓殍上愧

明哲下慚生靈夙夜憂惕如蹈泉谷所資漕運用拯困

窮砥柱之間

禹貢導河東至砥柱傳砥柱山名河水分流包山而過山見水中若柱然在西虢之

界一統志

砥柱在河南府陝州城東四十里黃河中禹

貢導河東

至于砥柱卽此石形似柱故名山有三門禹

鑿以通河南

曰鬼門中曰神門

北曰人門

故謂之三門集津河流迅激舟楫所歷罕

能獲全

唐書食貨志初江淮漕租米至東都輸含嘉倉

之患其失常

七八故其率一斛得八斗爲成勞而陸

運至陝纔

三百里率兩斛計傭錢千民送租者皆有水

陸之直而河

有三門砥柱之險顯慶元年苑西監楮朗

議鑿三門山

爲梁可通陸運乃發卒六千鑿之功不成

其後將作大

匠楊務廉又鑿爲棧以輓漕舟輓夫繫二

鈞于胷而繩

多絕輓夫輒墜死則以逃亡報因繫其父

母妻子人以

爲苦又汴宋節度使春夏遣官監汴水察

盜灌漑者歲

漕經砥柱覆者幾半河中有山號米堆運

命屯集

卷第六 制詔

柏經正堂藏書

舟入三門雇平陸人為門匠執標指麾一舟爰命工徒
百日乃能上諺曰古無門匠墓謂皆溺死也

鑿山開道

唐書食貨志陝虢觀察使李泌益鑿集津倉山西逕為運道屬于三門倉治上路以回空

車費錢五萬緡下路減半又為入渭船方五板輪
東渭橋太倉米至凡百三十萬石遂罷南路陸運避險

從易涉安代危噉噉烝人俟此求濟仰祈幽贊以集不

功享於克誠庶答精意

策問賢良方正能直言極諫科

通鑑音注此所謂制舉也特詔應天

下諸色人中不限前資見任職官黃衣草澤並許應詔文獻通考貞元元年九月賢良方正能

直言極諫科韋執誼鄭利用穆質楊鄴裴復柳

公綽歸登李直方崔邠鄭敬魏宏簡沈迴元佑

徐袞及第博通墳典達于教化科熊執易劉簡甫及第識洞韜略堪任將帥科許贇及第

皇帝若曰蓋聞上古至道之君垂拱無爲

書垂拱而天下治禮記疏

拱沓手也身俯則宜手沓而下垂也

以臨海內不理而人化不勞而事成

星辰軌道

史記天官書注謂循軌道不邪逆也

風雨時若邈乎其不可繼

何施而臻此歟三代以來制作滋廣異文質之變

白虎通王

者必一質一文何以承天地順陰陽陽之道極則陰道受陰之道極則陽道受明二陰二陽不能相繼也質法天文法地而已故天爲質地受而化之養而成之故爲文尙書大傳曰王者一質一文據天地之道禮三正記曰質法天文法地也明利害之鄉威之以刑道之以禮敦其俗而

彌薄防其人而益偷豈澆淳必繫於時耶何聖賢閒生而莫之振也朕祇膺累聖之業猥居兆人之上乾居克

勵如恐失墜憂濟庶務夕惕晨興永惟前王之典謨是

憲是則師大禹以崇儉法高宗以求賢

見商書說命又史記殷本紀武

丁夜夢得聖人名曰說以夢所見視羣臣百吏皆非也

于是迺使百工營求之野得說于傅險中是時說為胥

靡築于傅險見于武丁武丁曰是也得興夏啟之征

而與之語果聖人舉以為相殷國大治興夏啟之征

書甘誓又路史有扈氏不恭威侮五行怠棄三正啟乃

以齊車載遷廟之主以行召六師而誓與有扈大戰于

甘不勝六卿請伐之啟曰不可吾地非淺民非寡也今

茲不勝是吾德薄而教不善也于是班師琴瑟弗張鐘

鼓弗考不因席不仍味親親長長尊作周文之罰

見詩大雅

又史記周本紀虞芮之人有獄不能決乃如周入界俱

讓而去諸侯聞之曰西伯蓋受命之君明年伐犬戎明

年伐密須明年敗者國明年伐旌孝弟舉直言養高年

邠明年伐崇侯虎而作豐邑

敦本業平均徭稅黜陟幽明勵精孜孜勤亦至矣然而

浮靡不革理化不行暴亂不懲奸犯不息五教猶鬱敬書

敷五七臣未臻鄉黨廢尚齒之儀周禮地官大司徒令

五比爲閭使之相受四閭爲族使之相葬五族爲黨使

之相救五黨爲州使之相賜五州爲鄉使之相賓禮記

祭義有虞氏貴德而尚齒夏后氏貴爵而尚齒殷人貴

富而尚齒周人貴親而尚齒又居鄉以齒而老窮不遺

烝黎無安居之志賦入日減而私室愈貧廉察日增而

吏道愈濫意者朕不明歟何古今之事同而得失之效

異也思欲剷革前弊玉篇剷創立新規施之於事而易

從考之於文而有據備陳本末將舉而行無或憚煩略

於條對自頃陰陽舛候祲沴頻興仍歲旱蝗稼穡不稔

上天作孽必有由然屢推凶災其咎安在傳曰時之不

又厥罰常暘

前漢五行傳皇之不極是謂不建厥咎眊厥罰恆陰厥極弱時則有射妖時則有龍

蛇之孽時則有馬禍時則有下人伐上之痾時則有日月亂行星辰逆行

又曰堯湯水旱數

之常也二者乖反其誰云從今人靡蓋藏

月令孟冬命百官謹蓋藏

注府庫困倉有藏物也

國無廩積朕屢延卿士詢訪謨猷至乃減

冗食之徒罷不急之務既聞嘉語亦已遵行而停廢之

餘所費猶廣俟轉糧於江徼

按唐書食貨志唐漕運由江入汴由汴入河由河入

渭有砥柱三門之險天文志云河源自北紀之首循雍州北徼達華陰而與地絡相會並行而東至太行之曲

分而東流與涇渭濟瀆相爲表裏謂之北河江源自南
紀之首循梁州南徼達華陽而與地絡相會並行而東
及荆山之陽分而東流與漢水淮瀆相爲表裏謂之南
河史記黥布傳分卒守徼乘塞又司馬相如傳南至特
物爲徼注徼塞也以木塞水爲蠻夷界拔則遠不及期
徼疆竟也故關塞爲徼江河之涯亦曰徼

將搜粟於關中則撓而無獲節軍食則功臣懷怨省吏

員則多士靡歸中心浩然罔知攸濟子大夫

前漢董仲舒傳注服

虔曰子男子之美號也

蘊蓄才器通明今古副我虛求森然就列

匡朕之寡昧拯時之艱災畢志直言無有所隱

策問博通墳典達於教化科

科注見上左昭十二年傳是能讀三墳五

典八索九邱注皆古書名疏周禮外史掌三皇五帝之書鄭云楚靈王所謂三墳五典

皇帝若曰朕承祖宗之鴻烈獲主神器

老子天下神器不可爲也任

大守重懼不克堪思與賢士大夫共康理道虛襟以佇側席以求而羣議紛然所見異指或牽古義而不變或趨時會而不經依違以來七年於茲矣國制多缺朕甚恧焉今子大夫博習墳典深明教化褒然充舉咸造於庭其極思精心以喻朕之未悟仲尼敘禮樂刪詩書修春秋廣易道六經之教所向各殊

禮經解入其國其政可知也其爲人也溫

柔敦厚詩教也疏通知遠書教也廣博易良樂教也潔靜精微易教也恭儉莊敬禮教也屬辭比事春秋教也

豈學者修行理當區別將聖人立意本異宗源施之於

時孰爲先後考之於道何者淺深差次等倫指明其義夫知本乃能通於變學古所以行於今今之教人則異於是工祝陳禮樂之器而不知其情生徒講禮樂之文而不試以事欲人無惑其可得耶將革前非固有良術

堯舜率天下以義比屋可封

漢書王莽傳唐虞之世比屋可封

桀紂率

天下以暴比屋可戮然則上之化下罔或不從而三仁

四凶較然自異有教無類豈虛言哉作樂移風聞諸昔

典

樂記樂也者聖人之所樂也而可以善民心其感人深其移風易俗故先王著其教焉

夫至雅

必淡至音希聲文侯列國之賢君猶曰則惟恐寐

樂記魏文

侯曰吾端冕而聽古樂則惟恐臥聽鄭禴之音則不知倦矧彼流俗其能化乎將使

天地同和

樂記大樂與天地同和

災沴不作黎人不變姦慝不萌

書司寇掌邦禁詰姦慝刑暴亂

何施何爲以致于此王者制理必因其

時故忠敬質文更變迭救

百虎通王者設三教者何承衰救弊欲民反正道也三正

之有失故立三教以相指受夏人之王教以忠其失野救野之失莫如敬殷人之王教以敬其失鬼救鬼之失莫如文周人之王教以文三代之際莫不由之自秦刻其失薄救薄之失莫如忠

古法漢雜霸道

帝王世紀高祖之取天下也遭秦暴亂不階尺寸之資不推將相之柄發迹泗

亭奮其智謀銜勒英雄鞭驅天下或以德致或以易成事以權斷順逆不常霸王之道雜焉是以居帝王之位而無一定之制三代紛淪千祀王教不興國家接周隋之美固莫能及矣

之餘俗未淳一處都邑者巧利而無恥服田畝者樸野

而近愚尙文則彌長其澆風復質又莫救其鄙俗立教

之本將安所從自昔哲王惟以三正互用白虎通正朔有三何本天

有三統謂三微之月也明王者當奉順而成之故受命各統一正也禮三正記曰正朔三而改文質再而復也

三微者何謂也陽氣始施黃泉萬物動微而未著也十一月之時陽氣始養根株黃泉之下萬物皆赤赤者盛

陽之氣也故周爲天正色尙赤也十二月之時萬物始

芽而白白陰氣故殷爲地正色尙白也十三月之時萬

物始達孚甲而出皆黑人得加功故夏爲人正色尙黑也尙書大傳曰夏以孟春月爲正殷以季冬月爲正周

以仲冬月爲正三正之相承若順連環也後之術士乃言五運相生以漢應

火行則周爲木德禮稱尙赤通鑑音注所謂終始五德之運者伏羲以木德王木

生火故神農以火德王火生土故黃帝以土德王土生
金故少昊以金德王金生水故顓頊以水德王水生木
故帝嚳以木德王木又生火故帝堯以火德王火又生
土故帝舜以土德王土又生金故夏以金德王金又生
水故商以水德王水又生木故周以木德王此五德之
終而復始也鄒衍以爲周得火德蓋以火流王屋爲周
受命之符且服色尚赤義例頗乖永言于茲莫識厥理
故也禮積弓周人尙赤

九流得失之論

按史記太史公自序論六家之要旨陰陽一也儒二也墨三也名四也法五也

道德六也班固踵之作漢書藝文志序六藝爲九種儒
家者流一也道家者流二也陰陽家者流三也法家者
流四也名家者流五也墨家者流六也縱橫家者流
七也雜家者流八也農家者流九也皆互論其得失歷

代興亡之由王鄭識理之異同

後漢書鄭元傳鄭元字康成北海高密人答弟

子問五經依論語作鄭志八篇凡所注周易尙書毛詩
儀禮禮記論語孝經尙書大傳中候乾象歷又著天文

七政論魯禮禘祫義六藝論毛詩譜駁許慎五經異義
答臨孝存周禮難凡百餘萬言元質于辭訓人頗譏其
繁至于洽熟稱為純儒齊魯閒宗之魏志王肅傳肅字
子雍初肅善為賈馬之學而不好鄭氏採會同異為尚
書詩論語三禮左氏解及揆定父朗所作易傳皆列于
學官其所論駁朝廷典制郊祀宗廟喪祭輕重凡百餘
篇時樂安孫叔然受學鄭元之門人稱東州大儒肅集
聖證論以譏短元叔然駁而釋之及作周易春秋例毛
詩禮記春秋三傳國語爾雅諸注又著書十餘篇
何休好公羊學遂著公羊墨守左氏膏肓穀梁廢疾元
乃發墨守鍼膏肓起廢疾休見而歎曰康成入吾室操
吾矛以伐我乎魏略嚴漢善于公羊春秋時司隸
鍾繇不好而尤以左氏為大官廚公羊為賣餅家
必究用沃虛懷

策問識洞韜略堪任將帥科

皇帝若曰朕遐觀典謨詳求理道三代之際粲然可徵

未嘗不文武並興

孔融書文武並用成久長之計

農戰兼務故能居則

足食動則足兵兵足則威食足則固威則暴亂息固則

教化行理國之本實在於此秦漢已降王制不脩選士

廢射御之儀

禮王制司徒命鄉論秀士升之司徒曰選士司徒論選士之秀者而升之學曰俊士

又射義古者天子之制諸侯歲獻貢士於天子天子試之於射宮其容體比於禮其節比於樂而中多者得與於祭其容體不比于禮其節不比於樂而中少者不得與於祭周禮大司徒以鄉三物教萬民而賓興之三日六藝禮樂射御書數注射五射之法御五御之節疏五射者先鄭云白矢參連剡注襄尺井儀五御者先鄭云鳴和鑾逐水曲過軍表舞交衢逐禽左教人無蒐狩之禮周禮大司馬中

蒐田仲夏教芟舍遂以苗田仲秋教治兵遂以獮田仲冬教大閱遂以狩田注兵者守國之備孔子曰以不教民戰是謂棄之兵者凶事不可空設因蒐狩而習之凡師出曰治兵入曰振旅皆習戰也四時各教民以其一焉左隱五年傳春蒐夏苗秋獮冬狩皆於農隙以講事也注蒐索擇取不孕者苗為苗除害也獮殺也以殺為名順秋氣也狩圍也冬物即戎者不知其稼穡力本者畢成獲則取之無所擇也

罕習於干戈於是異文武之人分農戰之道守則乏食

征則鮮兵歷茲千年竟莫能復抑知者蓋寡將行之惟

艱歟朕念之甚勤思繼前躅良以軍旅之事役成靡寧

勩庸既多爵秩咸貴俾服田畝慮興怨咨仰給縣官吏記

平準書衣食皆給縣官又絳侯世家注張晏曰不敢指斥天子故稱縣官索隱曰所以謂國家為縣官者夏家

王畿內縣卽國都也王不可勝計由是阪圖日威阡陌

者官天下故曰縣官也更記秦本紀衛鞅爲田開阡陌索隱曰風俗通曰

歲荒南北曰阡東西曰陌河東以東西爲阡南北爲陌

水旱小愆廩餉咸竭欲使軍人悅歸於耜耒儒者兼達

於韜鈴田萊盡耕攻取必勝誘人孔易其術安施王者

之師本於立德兵家之法方務出奇綱目集覽太史公曰兵以正合以奇

勝善之者出奇無窮魏武帝曰先出合戰爲正後出爲

奇正者當敵奇兵擊其不備風后因黃帝兵法以乾坤

艮巽四陣爲天地風雷四正以水火金木四陣爲龍虎

鳥蛇四奇或以奇爲正或以正爲奇奇正還相生如環

之無端不可終窮也唐李靖爲十二將兵曰四奇曰八

正以步人爲正軍馬爲奇四奇取廩於大將八正取廩

於四奇奇常居前卒然遇敵則德以信成奇以詐勝理

觸處爲首因敵變化循環無窮

有違反將何適從宋襄成列而敗軍見嘉魯策

公羊傳宋公與

楚人期戰于泓之陽楚人濟泓而來有司曰請迨其未畢濟而擊之宋公曰不可吾聞之也君子不厄人吾雖喪國之餘寡人不忍行也既濟未畢陳有司復曰請迨其未畢陳而擊之宋公曰不可吾聞之也君子不鼓不成列已陳然後襄公鼓之宋師大敗故君子大其不鼓不成列臨大事而不忘大禮有君而無臣以爲雖文王之戰亦不過此也

韓信決囊以摧敵取貴漢朝

前漢韓信傳楚使龍且將號稱

二十萬救齊齊王龍且并軍與信戰未合或說龍且曰漢兵遠鬪窮寇戰鋒不可當也不如深壁令齊王使其信臣招所亡城城聞王在楚來救必反漢漢二千里客居齊齊城皆反之其勢無所得食可毋戰而降也龍且曰吾平生知韓信爲人易與耳遂戰與信夾濰水陳信乃夜令人爲萬餘囊沙以壅水上流引兵半渡擊龍且陽不勝還走龍且果喜曰固知信怯遂追度水信使人決壅囊水大至龍且軍大半不得度卽急擊殺龍且

然則喪國亡身豈霸王之道冒危乘厄非仁諛之心所

宜討論以定褒貶夫眾寡不敵克必以謀樂生下齊史記

樂毅傳燕昭王使樂毅約趙惠文王別使連楚魏令趙

淵秦以伐齊之利諸侯皆爭合從與燕伐齊昭王悉起

兵使樂毅爲上將軍樂毅于是並護趙楚韓魏燕之兵

以伐齊破之齊西諸侯兵罷歸而燕軍樂毅獨追至於

臨淄盡取齊寶財史記孫武傳孫子武者齊

物祭器輪之燕孫子破楚人也以兵法見於吳王闔

廬闔廬出宮中美人得百八十人孫子分爲二隊以王

之寵姬二人各爲隊長皆令持戟令之曰汝知而心與

左右手背乎婦人曰知之孫子曰前則視心左視左手

右視右手後卽視背婦人曰諾約束旣布乃設鈇鉞卽

三令五申之於是鼓之右婦人大笑孫子曰約束不明

申令不熟將之罪也復三令五申而鼓之左婦人復大

笑孫子曰約束不明申令不熟將之罪也旣已明而不

如法者吏士之罪也乃欲斬左右隊長吳王從臺上觀

見且斬愛姬大駭趣使使下令曰寡人已知將軍能用兵矣寡人非此二姬食不甘味願勿斬也孫子曰臣既已受命爲將將在軍君命有所不受遂斬隊長二人以徇用其次爲隊長於是復鼓之婦人左右前後斃起皆中規矩繩墨無敢出聲於是闔廬知孫子能用兵卒以爲將西破彊楚入郢北威齊晉顯名諸侯孫子與有力焉

魏武之勝袁紹

後漢袁紹傳紹壁延津南曹操擊破之軍中大震操還屯官渡紹進保陽

武沮授說紹曰北兵雖眾而勁果不及南軍南軍穀少而資儲不如北南幸于急戰北利於緩戰師宜徐持久曠以日月紹不從遂合戰操軍不利紹遣奇兵襲紹運軍欲襲操輒於內爲長壘以拒紹紹遣奇兵襲紹運軍大破之盡焚其穀食相持百餘日紹紹遣奇兵襲紹運軍萬餘人北迎糧運沮授說紹可紹紹遣奇兵襲紹運軍以絕曹操之鈔紹不從許攸進紹紹遣奇兵襲紹運軍我許下餘守勢必空弱若分遣輕軍星行掩襲許拔則操爲成禽如其未潰可令首尾奔命破之必也紹又不

能用攸不得志遂奔曹操而說使襲取滎于瓊等瓊等

時宿在烏巢去紹軍四十里操自將步騎五千人夜往攻破瓊等悉斬之于是紹軍大潰宋高之滅

姚泓

晉書姚泓載記劉裕總大軍伐泓次于彭城遣冠

邱項

城將軍沈林子自汴入河攻倉垣玉師遂入潁口

所至多降服道濟自陝北渡攻蒲坡沈林子說道濟曰

今蒲坡城堅池濬非可卒尅不如先事潼關潼關天限

形勝之地如尅潼關紹可不戰而服道濟從之乃棄蒲

坡南向潼關姚紹遣左長史姚洽及姚墨蠡等率騎三

千屯于河北之九原欲絕道濟諸縣租輸沈林子率眾

八千要洽於河上洽戰死眾皆沒劉裕次于陝城遣沈

林子率精兵萬餘越山開道會沈田子等于青泥泓使

姚裕率步騎八千距之泓躬將大眾繼發裕爲田子所

敗泓退次于灊上關中郡縣多潛通于王師劉裕至潼

關鎮惡水陸兼進泓計無

所出將妻子詣壘門而降成敗之由備陳本末古人有

言曰誅伐不可偃於天下前漢刑法志古人有言天生五材民並用之廢一不可誰

能去兵鞭扑不可弛於家刑罰不可廢於國征伐不可偃於天下 又曰善爲國者不師

二端異焉其有深旨子房序次兵法任宏論譔軍書前漢

藝文志漢興張良韓信序次兵法凡百八十二家剛取要用定著三十五家諸呂用事而盜取之武帝時軍政楊僕摠摠遺逸紀奏兵錄猶未能備至於孝成命任宏論次兵書爲四種兵權謀十三家二百五十九篇兵形勢十一家九十二篇圖十八卷陰陽十六家二百四十九篇兵技巧十三家百九十九篇凡兵書五十三家七百九十九篇圖四十三卷 指明異同詳錄名氏想聞商略擇善而行

答宰臣請停大禮表周禮大宗伯凡祀大神享大鬼祭大示帥執事而卜日宿

眠滌濯滄玉鬯省牲饗奉玉盞詔大號治其大禮詔相王之大禮樂記大樂與天地同和大禮與天地同節和故百物不失節故祀天祭地明則有禮樂幽則有鬼神如此則四海之內合敬

同愛矣蔡邕獨斷凡羣臣上書通于天子者有四名一曰章二曰奏三曰表四曰駁議表者不謂頭上言臣某言下言臣某誠惶誠恐頓首頓首死罪死罪左方下附曰某官某臣甲上

朕失德致寇再經播越郊廟乏主禋祀曠時感憤積中
憂愧形外日月以冀庶禱前修賴天地降休祖宗儲慶
再新景命祇復皇都自秋涉冬已遷於律候因心致享
未展於孝思而公卿上言邀予以備物都鄙興誦諷予
以勞人禮將俟於他年卜不先於近日永懷感慕情實
未安雖則嘉話重違其如至誠難抑所宜參會羣彥更
擇近期無或因循以增不德

答百寮請停大禮表

爾雅寮官也注同官爲寮書百僚師師謹按僚與寮同

朕再經播遷久曠禋祀不惟霜露之感實貽墜失之憂
賴先澤在人上帝臨我克平大難再復舊京朕之失德

非曰能補旋欲請罪宗廟展敬郊丘

唐書禮樂志郊丘諸祠常以高祖太

宗高宗並配

追以羣情俟於獻歲今滌牲撰吉甫及近期齋

心永懷明發不寐忽覽來表良深矍然雖嘉備慮之誠

實乖昭事之意

詩昭事上帝聿懷多福

朕志先定期於必行卽斷

來表也

答第二表

國之大事首在祀典禮記非此族也不在祀典所宜嚴奉以達至誠

況今之所懷又異常日不克嗣守馴致寇戎淪陷國都

震驚園寢

唐六典凡朔望元正冬至寒食皆修享於諸陵若橋陵則日獻羞焉幸憑元祐

再續鴻休播越三時久虧禋祀之禮旋歸半歲未申告

謝之誠感愧積中若墜泉谷坐而待曙跂及上春庶乎

天地靈祇

東征賦庶靈祇之鑒照兮祐貞良而輔信以歆精意胡乃股肱卿

士尙執疑謀出既不及告辭入又廢於朝獻周禮春官司尊彝其

朝獻用兩壺尊沈括筆談按唐故事凡有事于上帝則百神皆預遣使祭告唯太清宮太廟則皇帝親行其冊

祝皆曰取某月某日有事於某所不敢不告宮廟謂之奏告餘皆謂之祭告唯有事於南郊方爲正祠至天寶

九載乃下詔曰告者上告下之詞今後太清宮宜稱朝
獻太廟稱朝饗自此遂失奏告之名冊文皆謂正祠

罔極之慕

詩欲報之德
昊天罔極

何心自安宜潔乃誠以祗所奉

副予懇切勿復頻煩

答第三表

三省來表深體乃誠明孝敬之大端陳安危之上計祗
率嘉話夫豈不懷永言思之固亦難抑進退慙惕罔知
所裁中宵求衣當饋忘食且聿修祀事所貴專精苟未
至誠則如勿祭今近期甫及當齋潔敬之心而輿誦紛
然猶執異同之論禮既虧於嚴奉事奚展於孝思

詩永言孝

思孝思維則

以義制心勉依來請重予不德愧歎良深

答百寮賀利州

唐書地理志利州益昌郡屬山南道

連理木表

藝文類聚

瑞應圖曰木連理王者德化洽八方合爲一家則木連理一本曰不失小民心則生孝經援神契曰德至於草木則木連理晉中興徵祥說曰連理者仁木也或異枝還合或兩樹共合唐六典凡大祥瑞隨卽表奏文武百寮詣闕奉賀其他並年終具表以聞有司告廟百寮詣闕奉賀又儀制令六瑞卽隨表奏聞中瑞下瑞申報有司元日聞奏

珍木呈祥允符靈貺

北史王劭傳靈貺休祥理無虛發

顧惟不德何以

當之朕聞人事聿修天休乃答今則凶渠尙在戎役方殷虐旱妨農飛蝗害稼諒咎徵之未弭曷嘉瑞而復臻

通鑑音注按儀制令凡景星慶雲爲大瑞其名物六十
有四白狼赤兔爲上瑞其名物三十有八蒼鳥朱雁爲
中瑞其名物三十有二嘉禾芝草木連理爲下瑞其名
物十四唐六典禮部郎中凡祥瑞應見皆辯其物名
所冀公卿大夫交匡不逮覩茲稱述益用懷慙

答宰臣請復御膳表

通鑑音注御膳尚食奉御
所掌天子日供之常膳

嘗覽典謨每嘉儉德

書慎乃儉德
惟懷永圖

愛人惜費是朕素懷

況大兵之餘繼以荒饉軍儲國計資用皆空凋戶疲眊

膏澤已竭致人于此過實在予內懷憂慚躬自損貶今

凶渠殘滅粟麥豐成皆祖宗垂休非寡薄所致矧乎邦

畿之內餒殍猶多役戍之徒傷夷未復

顏延之文勉傷
慰夷循飢渴

孜孜訓戒克己增修猶懼辱守寶圖罔答元祐豈宜暇
逸以厚厥躬卿等誠在致君將順其美顧惟虛缺非所
宜然

答百寮請復御膳表

頃者大勞不息至化未孚雨澤愆期蟲蝗爲害朕以銷
災謝譴莫大於修誠節用愛人必先於克己顧慚愆咎
躬貶膳羞下以均眾庶之憂上以答昊穹之儆至誠或
感嘉應遂臻宿麥方成元凶已殄慶深德薄惕厲彌加
忽覽表章過爲稱述雖將順其美則曰乃誠

孝經君子
之事上也

將順其美
匡救其惡
而戒愼不忘
諒惟朕志未喻
來請深體此懷

唐陸宣公翰苑集卷第六終

唐陸宣公翰苑集卷第七

汪肇龍稚川

程瑤田易田

山右張佩芳蓀圃注釋

新安

汪梧鳳在湘

參訂

方矩晞原

涇陽柏森子餘校刊

制誥七

除授

李晟司徒兼中書令制

唐書宰相表興元元年六月己酉京畿渭北商華兵

馬副元帥李晟為司徒中書令

雲雷構屯

易雲雷屯君子以經綸

寓縣興難

史記秦始皇本紀大矣哉字縣之中注字

宇宙縣赤縣

非山嶽降神不生良弼非股肱叶契不集大勳

詩維嶽降神生甫及申書大勳未集

故高宗得傳說中興殷邦

通鑑前編武丁嗣位

以甘盤爲相恭默思道夢上帝賚以良弼乃使人以形旁求於天下說爲胥靡築於傅巖求得之命以爲相進

諫論列天下之事君臣道合政事修舉

宣王任吉甫重光周道

通鑑前編宣王元年

召公周公輔王政法文武成康之遺風喻德教舉遺士海內翕然同風諸侯復宗周命尹吉甫北伐玁狁至於

太原天寶之季寇陷二京時則先臣子儀翼戴肅宗戡定

禍亂再造區夏

宋書武帝紀宏濟朕躬再造王室書用肇造我區夏

於今賴之肆

予小子獲纘丕構不克負荷失守宗祧天祚我唐降生

忠烈有社稷之臣

通鑑晟遣掌書記于公異作露布上行在曰臣已肅清宮禁祗謁寢園鐘

簾不移廟貌如故上泣下曰天生李晟以爲社稷非爲朕也

曰開府儀同三司檢校

尚書左僕射中書門下平章事充神策軍節度鄜坊等

州管內觀察處置等使

唐書地理志鄜州洛交郡坊州中部郡俱屬關內道通鑑音注

隋志上郡大業二年改爲鄜城郡鄜音膚坊州春秋白狄之地武德二年分鄜州置坊州中部郡以周天和七年元皇帝放牧鄜州于此置馬坊也又唐節度使率兼觀察使節度之職掌兵觀察之職掌民京畿渭

南渭北商華等州兵馬副元帥上柱國合川郡王李晟

唐書地理志疊州合川郡屬隴右道通鑑音注疊州秦漢以來爲諸羌保據後周武帝逐吐谷渾取羣山重疊之義置疊州合川縣隋治吐谷渾沉肅有勇堅明能斷馬牧城唐武德三年移治交戍城

聞難感憤誓軍徂征誠激於衷義形於色自河之右萬

里濟師

唐書李晟傳建中二年魏博田悅反晟為神策先鋒與河東馬燧昭義李抱真合兵攻之斬楊

朝光晟乘冰渡洛水破悅又戰洹水悅大敗遂進攻魏

又建言以兵趨定州與張孝忠合以圖范陽則武俊等

當捨趙帝壯之晟自魏引而北武俊果解去晟留趙三

日與孝忠連兵北略恆州會帝出奉天有詔召晟即日

治嚴而孝忠以軍介二盜閒倚晟為重數止晟無西晟

語眾曰天子播越人臣當百舍一息義武欲止吾吾當

以子為質乃以憑約昏並遣良馬孝忠有親將謁晟晟

解玉帶遺之使喻孝忠乃得踰飛狐次代州詔迎拜神

策行營

西都賦雷奔電激草木塗地

大盜懾駭屬皇家不

節度使殷然雷奔

造戎師誘姦重茲播遷郊甸震蕩而晟蓄銳養士深壘

固軍以謀吞元凶以義糾羣帥躬擐甲胄

左成十三年傳文公躬擐

甲冑率先啟行布忠信爲軍聲東京賦坐作進退節以軍聲持義烈爲

戰器

沈約封徐世惻詔才略貞濟志懷義烈左傳申叔曰德刑詳義禮信戰之器也通鑑綱目是時懷光

朱泚連兵聲勢甚盛晟以孤軍處其閒內無糧資外無救援徒以忠義感激將士故其眾雖單弱而銳氣不衰

廓清氛沴寧復皇都宗廟載安宇宙斯泰佐子興運時

乃茂功德厚者任崇業盛者報重升以元輔文選注班固涿邪山

文曰眈眈將軍大漢元輔又元君也言帝相之臣宣智力于君以爲輔佐也建于上公周禮春官

典命上公九命爲伯注上公謂王之三公有德者加命爲二伯三王之後亦爲上公通典春秋九命作伯尊公

曰宰言於海內無不宰統焉熙庶績而翼宣九歌書庶績咸熙又擾

兆人而敬敷五教書敬敷五教用疇井賦貽厥子孫與國咸

休永播丕烈

書丕承哉
武王烈

可司徒兼中書令仍賜實封一

千戶餘並如故俟還京後所司擇日備禮冊拜

通典開元禮臨

軒冊命諸王大臣前一日尚舍奉御設御幄於太極殿
 北壁南向守宮設羣官次於朝堂太樂令展宮懸於殿
 庭又設舉麾位於上下竝如常儀其日典儀設羣官版
 位文官一品以下五品以上於懸東六品以下於大橫
 街之南俱西面武官一品以下五品以上於懸西六品
 以下於大橫街南俱東面以北為上竝如常儀設受冊
 者位於大街之東南重行北面西上設典儀位於懸之
 東北贊者二人在南少退俱西向奉禮設門外位文官
 於東朝堂西面武官於西朝堂東面俱每等異位重行
 北上其日依時刻諸衛勒所部列仗屯門及陳於殿庭
 如常儀受冊者服朝服從第備鹵簿與羣官俱集朝堂
 次羣官各服其服贊者引羣官俱出次典謁引就朝堂
 前位版奏請中嚴斂戟近仗入陳於殿庭太樂令帥工
 人入就位協律郎入就舉麾位諸侍衛之官各服其器

服符寶郎奉寶俱詣閣奉迎典儀帥贊者先入就位通
事舍人引羣官入就位又引受冊者入立於太極門外
道東西向中書侍郎以冊置於案令史二人皆絳公服
對立於左延明門內道北西面侍郎立於案後侍中版
奏外辦皇帝服通天冠絳紗袍御輿以出曲直華蓋警
蹕侍衛如常儀皇帝將出仗動太樂令撞黃鐘之鐘
右五鐘皆應協律郎跪俛伏興舉麾鼓祝奏太和之樂
皇帝出自西房卽御座南向坐符寶郎奉寶置於御座
如常儀樂止通事舍人引受冊者以次入就位立定受
冊者東北西面中書侍郎引冊案進入於中書令之南
少退俱西向通事舍人引爲首者一人少前北面中書
侍郎取冊進授退復位中書令稱有制受冊者再拜中
書令讀訖受冊者又再拜通事舍人引受冊者進受訖
典謁引退復位又通事舍人引次受冊如上儀徧冊訖
中書令以下還侍位持案者以案退典儀曰再拜贊者承
傳羣官在位者皆再拜通事舍人引受冊者以次出侍
中前跪奏稱侍中臣某言禮畢俛伏興還侍位皇帝興
太樂令撞蕤賓之鐘左五鐘皆應鼓祝奏太和之樂

皇帝降座御輿入自東房侍衛警蹕如來儀侍臣從至
閣樂止通事舍人引羣官在位者以次出若冊三師三
公親王皇帝服袞冕之服鼓吹令設十二案乘黃令陳
車輅尚輦奉御陳輿輦諸衛設黃麾半仗受冊者初入
門舒和之樂作至位樂止冊畢引出初行樂作出門樂
止餘同上儀冊開府儀同三司太子三師驃騎大將軍
左右丞相京都牧河南
牧竝如臨軒冊命儀
宣示中外以彰元勳唐書李晟傳有詔賜
第永崇里涇陽上田延平門之林園女樂一列晟入第
京兆供帳教坊鼓吹迎導詔將相送之帝紀其功自文
於碑敕皇太子書立於
東渭橋以示後世云

蕭復劉從一姜公輔平章事制

唐書宰相表建中四年十月丁巳戶

部尚書蕭復為吏部尚書吏部郎中劉從一為
刑部侍郎京兆府戶曹參軍翰林學士姜公輔
為諫議大夫並同
中書門下平章事

宰輔之任獻替爲務內凝庶績外撫四夷調陰陽以成

歲功

史記陳平世家宰相者上佐天子理陰陽順四時下遂萬物之宜外鎮撫四夷諸侯內親附百姓使

卿大夫各得任其職焉

贊化育而熙帝載

書有能奮庸熙帝之載

若金用礪

其弼予違

書若金用汝作礪又予違汝彌

如旱爲霖尤從人望

書若歲大旱用

汝作霖雨初學記賢者國之紀人之望

矧時屬多難彌切任賢朕未嘗不

朝夕論思

兩都賦序朝夕論思日月獻納

夢寐懷懋道之所在人遠乎

哉朝議大夫守戶部尙書兼御史大夫

唐書百官志正五品下曰朝議

大夫通典朝議大夫隋置散官以取漢諸大夫得上奉

朝議爲名唐因之通鑑音注舊制凡九品已上職事官

皆帶散位謂之本品職事則隨才敘用或去開入劇或去高就卑遷徙出入參差不定武德令職事解散官欠

一階不至為兼職事卑者不解散官貞觀令以職事高者為守職事卑者為行仍帶散位其欠一階仍舊為兼或帶散官或為守參而用之其兩職事亦為兼頗相錯亂咸亨二年始一切為守

充荆襄江西

等道都元帥唐書方鎮表至德二載置荆南節度領荆

陽節度使升襄陽防禦使為山南東道節度

統軍長史

使領襄鄧隋唐安均房金商九州治襄州

豐縣開國公

通典長史秦置郡丞其郡當邊戍者丞為長史掌兵馬自注引古今注云守相病丞

長史行事後罷邊郡太守丞而長史領丞職唐書蕭復

傳統軍長史舊制謂行軍長史德宗以復父諱更之又

地理志豐縣屬徐州河南道一統志豐秦之邑名屬泗

水郡漢以豐為縣屬沛郡唐屬徐州唐書百官志凡爵

九等五曰開國縣公食

邑千五百戶從二品 賜紫金魚袋蕭復性質端亮理

識精敏約己宏物體方用圓為邦必表其理能及雷亟

識精敏約己宏物體方用圓為邦必表其理能及雷亟

聞於鯁議

左傳宣二年晉靈公不君趙盾將諫士季曰諫而不入則莫之繼也會請先不入則子繼

之三進及濡而後視之曰吾知所過矣疏濡謂簷下水

濡之處說文鯁魚骨也後漢來歙傳夫理國以得賢爲

本大中大夫段襄骨鯁動可成範立不易方守尙書吏

可任注骨鯁喻正直也

部郎中兼御史中丞充荆襄江西等道都元帥判官賜

緋魚袋劉從一貞白其行溫恭其文居簡而適用必通

體和而臨事有立持重能斷端慤有恆累更委任多所

宏益守京兆府戶曹參軍

通典司戶參軍漢魏以下有戶曹掾主民戶與功曹同唐

掌戶口籍帳婚姻田宅雜徭道路之事唐書姜公輔傳

公輔以制策異等授右拾遺爲翰林學士歲滿當遷上

書以母老賴祿而養求翰林學士賜緋魚袋姜公輔志

兼京兆尹戶曹參軍事

懷濟物監必通理

易君子黃中通理

主文而諫忠靡退言

詩序主文

而諫諫言之者無罪聞之者足以戒故曰風書退有後言

經始以謀事皆前定道無

屈撓智適變通並可以參贊大猷光膺僉屬兵戎未靖
期爾經綸都邑未康期爾還定予一人有過爾是用匡
伊萬姓不寧爾是用乂欽哉慎乃有位罔瘵厥官復可
守吏部尙書同中書門下平章事散官封賜如故從一

可守尙書刑部侍郎

唐書百官志刑部侍郎一人正四品下通典自注周官小司寇中大

夫蓋今任也後周依周官至隋煬帝置刑部侍郎唐同因之掌律令定刑名案復大禮及諸州應奏之事

中書門下平章事賜紫金魚袋公輔可守諫議大夫同

中書門下平章事賜紫金魚袋

張延賞中書侍郎平章事制

唐書宰相表貞元元年六月辛卯西川節

度使同平章事張延賞爲中書侍郎同中書門下平章事
通鑑初李晟戍成都取其營妓以還西川節度使張延賞怒追而返之由是有隙至是上召延賞入相晟表陳其過惡上重違其意以延賞爲左僕射工部侍郎張或李晟之壻也晟在鳳翔以女嫁幕客崔樞禮重樞過于或或怒遂附于張延賞上忌晟功名會吐蕃有離間之言延賞等騰謗于朝無所不至晟聞之晝夜泣目爲之腫悉遣子弟詣長安表請削髮爲僧不許入朝稱疾懇辭方鎮亦不許韓滉素與晟善上命滉諭旨使與延賞釋怨引延賞詣晟第謝因飲盡歡晟表薦延賞爲相

兩漢致理由乎審官多以牧宰高第入居台輔

通典成帝綏和

元年以爲刺史位下大夫而臨二千石輕重不相準乃更爲州牧秩眞二千石位次九卿九卿缺以高第補

黃霸自潁川而次遷丞相

前漢黃霸傳爲潁川太守前

神爵數集郡國潁川尤多天子以霸治行終長者下詔稱揚賜爵關內侯黃金百觔秩中二千石數月徵霸爲

太子太傅遷御史大夫五

卓茂由密令而超拜三公

後漢

鳳三年代丙吉爲丞相

卓茂傳初辟丞相府史後遷密令數年教化大行道不

拾遺及莽居攝以病免光武初卽位先訪求茂茂詣河

陽謁見乃下詔曰前密令卓茂束身自脩執節凜固誠

能爲人所不能爲夫名冠天下當受天下重賞今以茂

爲太傅封褒德

侯食邑二千戶 蓋以爲國本於親人舉賢先於稱職旌

能勸善風化大端今革車薦興賦煩人散匡弼寡昧屬

於才臣光祿大夫檢校吏部尙書兼成都尹御史大夫

唐書地理志成都府蜀郡屬劍南道通鑑音注是時兵興方鎮重任必兼臺省長官以至外府寮佐亦帶朝銜迄於五季遂爲永制其帶臺銜自監察御史大夫至御史大夫爲憲銜

充劍南西川副大

使

唐書方鎮表開元七年升劍南度支營田處置兵馬

嘉普資嵩黎戎維茂簡龍雅瀘合二十五州治益州至德二載更劍南節度號西川節度使兼成都尹百官志其有持節爲節度副大使知節度事者正節度也諸王拜節度大使者皆畱京師

管內度支營

田觀察處置等使上柱國魏國公張延賞崇飭文行勵

精理道踐歷中外所至有聲

唐書張延賞傳延賞更四鎮所至民頌其愛

慮

必周密心無屈撓簡廉以肅吏慈惠以愛人明以照姦和以定眾去若始至久而見思秉志不渝課績常最以

爾循良之化佐子綏兆人以爾經綸之才佐子熙庶績

仍資威重兼領蕃維式慰甘棠之思

詩序甘棠美召伯也戴東原云甘棠

白棠也或謂之椴赤棠謂之杜爾雅杜甘棠猶言杜之甘者曰棠以甘棠爲杜失爾雅之讀也

且繼緇

衣之美

詩序緇衣美武公也父子並爲周司徒善于其職國人宐之故美其德以明有國善善之功焉

懋昭邦典勿替家聲

謹按延賞宰相張嘉貞之子

可中書侍郎平章

事依前兼成都尹餘如故

渾瑊侍中制

唐書宰相表興元元年六月甲寅朔方節度使邠寧振武永平奉天行營

兵馬副元帥檢校尚書右僕射同平章事渾瑊爲侍中

論道經邦興戎定亂執是二柄毗予一人

詩天子是毗箋毗輔也書

彌子得諸全才康濟大難懋官胙土懋官公羊傳文十

三年疏周書作洛篇曰封人社遺諸侯受命于周乃建大社于國中其遺東青土南赤土西白土北驪土中央懋以黃土將建諸侯鑿取其一面之土包以黃土苴以白茅以爲社之封孔氏云王者封五色土爲社建諸侯則各割其方土與之使立社壽以黃土苴以白茅茅取其潔黃取其王者覆四方備舉彝章開

府儀同三司檢校尚書左僕射同中書門下平章事兼

靈州大都督府長史充靈鹽銀夏等節度唐書方鎮表大曆十四年

析置河中振武邠寧三節度朔方所領靈鹽夏豐四州振武領鎮北大都護府及綏銀二州又地理志鹽州五

原郡銀州銀川郡夏州朔方郡俱屬關內道通鑑音注鹽州治五原縣今州南抵慶州馬嶺縣北界卽漢馬嶺

縣地銀州漢西河之圓陰圓陽縣地也圓音銀夏州赫連所都統萬也靈州注見制誥五卷管內觀

柏經正堂藏書

察處置度支營田押蕃部落等使

唐書方鎮表開元二十年朔方節度增領

押諸蕃部落使通鑑胡奚雜類謂之蕃落

仍充朔方邠寧振武等道奉天永

平軍行營節度副元帥柱國樓煩郡王渾瑊

唐書方鎮表大曆七

年賜滑亳節度為永平節度十一年增領宋泗二州十

四年增領汴潁二州又地理志嵐州樓煩郡本東會州

屬河東道更記趙世家西有林胡樓煩秦韓之邊正義

曰即嵐州勝州之北也嵐勝以南石州離石蘭等七國

時趙邑

邊也 神降才傑天資忠厚叶于興運為國輔臣往以

盜起上京駕言出狩羣凶怙亂再犯郊畿時乃奮揚武

威董制師律深居籌畫奸慝寢謀當敵指揮

後漢皇甫嵩傳指揮

足以振風雲叱咤

士旅增氣

通鑑時士卒凍餒又乏甲冑瑊撫諭激以忠義皆鼓譟力

戰
危城克固我伐用張重以賊臣蔑恩養寇資亂再罹

艱阻播越巴梁時乃并轡載馳執羈從邁

禮記孰執羈勒而從唐書

渾瑊傳乘輿進狩山南城以諸軍衛入谷口懷光追騎至後軍擊卻之

有見危致命之節

有憂國滅私之誠凜然貞規

顏延之書賢子弟少履貞規長懷理要

介若

金石縱橫有夷難之略感激陳復國之謀分總偏師徑

出重險秉大節以誓羣帥布寬令以宥脅從師次近郊

摧凶靡抗軍臨近甸下邑如歸推成功以不居期盡敵

以自效率其全眾揚旆前追雄威疾馳元惡授首柔德

懷服餘黨歸心掃闢氛昏安復園寢懋乃嘉績其維格

天書成湯既受命時則范燮之讓能左傳成十六年晉師濟河聞楚師將

至范文子欲反曰我偽逃楚可以紓憂夫合諸侯非

吾所能也以遺能者我若羣臣輯睦以事君多矣

弇之殄寇後漢耿弇傳時帝在魯聞弇為步所攻自往救之未至陳俊謂弇曰劇虜兵盛可且閉營

休士以須上來弇曰乘輿且到臣子當擊牛醜酒以待

百官反欲以賊虜遺君父邪乃出兵大戰自旦至昏復

大破之殺傷無數城中溝塹皆滿總是二美城其有焉足以銘勳旂常

周禮夏官司勳凡有功者銘書于王之太常又春官司

常掌九旗之物名日月為常交龍為旂顏師古曰太常者王之旌也畫日月焉垂美竹帛後漢鄧禹傳禹得效其尺寸垂功名于竹帛耳更記注索隱曰古未有紙書用竹簡或用帛故云

竹帛猶言青史也吳越春秋聲可託于管絃名可畱于

帛宜守台階之列仍疇并邑之賦祗膺時命無替厥庸

可侍中仍賜實封八百戶餘如故

盧翰劉從一門下中書侍郎平章事制

唐書宰相表興元元

年六月癸丑從一爲中書侍郎翰爲門下侍郎

寅亮天工

書寅亮天地

宏宣理本俾予從乂時乃輔臣扈蹕

載驅以勞定國懋官遷列式是彝章銀青光祿大夫行

尙書兵部侍郎

唐書百官志兵部侍郎二人正四品下通典兵部侍郎二人自注隋煬帝置唐

因之龍朔二年改爲司戎少常伯咸亨元年復舊制一員總章元年加一員掌署武職武勳官三衛及兵士以上簿書朝集祿賜假使差發配親士帳內考覈及給武職告身

同中書門下平章事

范陽縣開國公盧翰

唐書地理志范陽縣屬涿州河北道通典范陽漢涿縣在范水之陽

漢涿郡故城亦在此又有漢廣陽國城亦在
西南有督亢陂溉田膏腴荆軻獻圖于秦
嚴重不撓

貞方自持養恬鎮俗居簡濟眾言思無隱事必有恆守

刑部侍郎同中書門下平章事

通典注凡正官皆稱行守其階高而官卑者稱

行階卑而官高者稱守

賜紫金魚袋劉從一質厚氣深識精體遠

勵用無竭貞規不渝從容以和出納惟允自鸞車載駕

禮記鸞車有虞氏之路也通典武德初著令天子鑿輅玉金象革木五等薄狩于梁執羈有

從我之勤及雷勵匪躬之節交修不逮庶績其凝俾承

命于掖垣仍參掌以樞務今百度伊始六府載張

書六府三

事允治注六府即水火金木土穀也六者財用之所自出故曰府

論駁是非不可以不

審宣揚憲令不可以不明爾其欽承無墜我休命翰可

門下侍郎同中書門下平章事散官勳封如故從一可

中書侍郎

唐書百官志中書省侍郎二人正三品掌貳

魏官也案衛宏漢舊儀曰漢置中書領尚書匈奴營部

一郎民曹一郎謁者一郎此則中書郎已聞漢代沈約

宋志云晉改通事郎爲

中書侍郎蓋此始也

同中書門下平章事餘如故

劉滋崔造齊映平章事制

唐書宰相表貞元二年正月壬寅吏部侍郎劉

滋爲左散騎常侍給事中崔造中書舍人齊映

並同中書門下平章事通鑑造少與韓會盧車

美張正則爲友以王佐自許時人謂之四夔上

以造敢言故不次用之滋映多讓事于造造久

在江外疾錢穀請貸因上之弊奏罷水陸度支

轉運等使諸道租賦悉委觀察使刺史遣官送

京師令宰相分判六曹映判兵部李勉判刑部
滋判吏禮部造判戶工部又以戶部侍郎元琇

判諸道鹽

鐵榷酒

朕嗣位君臨精求理道小大之務靡不經心日慎一日
于今八載教化未洽烝黎未康因之以甲兵繼之以灾
沴斯固鑒有所不至慮有所不周予深浩然若涉深水
思所以匡我致理助我官人宣其澤而四方以寧執其
要而百工式敘允是大任其唯輔臣夢想勞懷敷求俊
又察言而觀行因事以考能周行之中乃得良弼詩實彼周
行傳行列也思君子官賢人置周之
列位箋云周之列位謂朝廷臣也權知吏部侍郎劉

滋〔通典〕檢校試攝判知之官〔注〕知者云知某官事皆是
詔除而非正命〔顧炎武〕日知錄知縣條云知縣者非
縣令而使之知縣中之事〔杜氏通典〕所謂檢校試攝之
官是也唐人亦謂之知印其名始于貞元已後其初尙
帶一權字白居易集有裴克諒權知華陰縣令制曰宐
假銅墨試其才理待有所立方議正名是權知者不正
之名操履貞清介然自守居能慎獨重不違仁析理究

其精微勵學探于奧旨守給事中

〔唐書百官志〕給事中
四人正五品上掌侍

左右分判省事〔通典〕給事中加官也所加或大夫博士
議郎掌顧問應對位次中常侍侍中黃門無員以有事
殿中故曰賜緋魚袋崔造性合道要誠通化源適時有
給事中

成務之才事上懷匪躬之節蘊蓄器業居爲名臣中書

舍人

〔唐書百官志〕中書省舍人六人正五品上〔通典〕中
書舍人唐初爲內史舍人至武德三年改爲中書

舍人置六員專掌詔誥侍從署勅宣旨勞問投納訢訟
敷奏文表分判省事自永淳以來天下文章道盛臺閣
髦彥無不以文章達故中書舍人爲文
士之極任朝廷之盛選諸官莫比焉
賜紫金魚袋齊

映脩己以立自明而誠體賢人可大之規

易可大則用賢人之業

君子時中之道虛受能擇清通不流惟滋之直方可以
激風俗惟造之體度可以振條綱惟映之精深可以該
物理我有大典爾其參之懋昭厥猷勿替休聞滋可充
散騎常侍同平章事造仍賜金魚袋其有散官封賜並
如故

李納檢校右僕射平章事制

通鑑音注唐制蕃鎮及諸使僚屬率帶檢

校官

忠所貴乎竭誠善莫大于改過況茂勳有舊崇德日新
翼戴勵勤王之節經綸申盡敵之略敦獎之道時唯國
章平盧淄青節度管內度支營田處置等使開府儀同
三司檢校工部尙書使持節鄆州諸軍事兼鄆州刺史

隴西郡王李納

唐書地理志淄州淄川郡青州北海郡
鄆州東平郡屬河南道滑州隴西郡屬

隴右道通典渭州禹貢曰導渭自烏鼠同穴卽其地也
秦置隴西郡以居隴坻之西爲名漢靈帝分立南安郡
唐爲渭州或

爲隴西郡

稟性端厚執心寬簡通變適用和順積中

服勞王家夙有成績乘秋備塞克著威聲

唐書李納傳
納少時爲奉

禮郎將兵防秋代宗召見擢殿中丞賜金紫累歲專城載揚理行閒者心懷

險阻誠義鬱堙唐書李納傳正己死秘喪不發以兵會田悅于濮陽馬燧方擊悅納使大將衛

俊救之為燧所破略盡收洹水德宗詔諸軍合討其從父洧以徐州歸大將李士真以德州李長卿以棣州送款

納惠洧背己且徐險悉集兵攻洧帝命宣武劉元佐督諸軍進援大破其兵納還濮陽元佐進圍之殘其郭納

登陣見元佐泣且悔遣判官房說與子弟質京師因元佐謝罪時中人宋鳳朝以納窮欲立功建不可赦帝乃

械說等禁中納于是還鄆與悅李希烈旋能歸款上聞朱滔王武俊連和自稱齊王置百官

唐書李納傳興元初帝期於率德自效忠節純固久而下詔罪己納復歸命

益彰爰整銳師式遏亂略唐書李納傳李希烈圍陳州納會諸軍破之城下保

障宋服通鑑音注保障謂厚民之生如築堡以自障填歷浚郊疑如長城作

固東土嘉乃率服之美懋乃輸力之勤擢升衮司

褚淵表雖

秩輕于衮司而任重于百辟

載董戎翰元成嗣台輔之業

前漢章賢傳宣帝即

位賢以與謀議安宗廟賜爵關內侯食邑本始三年代蔡義爲丞相封扶陽侯年八十二薨少子元成復以明經歷位至丞相故鄒魯諺曰亞夫繼社稷之勳史記周勃世家

遺子黃金滿籩不如一經

亞夫繼社稷之勳

史記周勃世家

絳侯子勝之坐殺人國除絕一歲文帝乃擇絳侯子賢者河內守亞夫爲條侯續絳侯後

俾爾兼榮

無替厥服檢校右僕射平章事餘如故

韓滉檢校左僕射平章事制

通鑑綱目或言滉聚兵修城陰蓄異志上

疑之以問李泌對曰滉公忠清儉貢獻不絕鎮撫江東盜賊不起所以修城爲迎扈備耳此乃人臣忠篤之慮奈何更以爲罪乎滉性剛嚴不附權貴故多謗毀臣敢保其無他上曰外議洵

洵卿弗聞乎對曰臣固聞之其子臯爲郎不敢
歸省正以謗語沸騰故也退遂上章請以百口
保滉他日又言于上曰臣之上章非私于滉乃
爲朝廷計也上曰如何對曰今天下旱蝗關中
米斗千錢倉廩耗竭而江東豐稔願陛下早下
臣章以解朝眾之惑而諭韓臯使之歸覲令滉
速運糧儲此朝廷大計也上卽下泌章令臯歸
覲而諭之曰卿父比有謗言朕不復信關中乏
糧宜速致之臯至滉感悅卽日發米百萬斛聽
臯畱五日卽還朝自送至江上冒風濤而遣之
陳少遊聞之卽貢米二十萬斛會劉洽得李希
烈起居注云某月日陳少遊上表歸順少遊聞
之慙懼發疾卒大將王韶欲自爲畱後韓滉遣
使謂之曰汝敢爲亂吾卽日全軍渡江誅汝矣
韶懼而止上聞之喜謂李泌曰滉不惟安江東
又能安淮南真大臣之器卿可謂知人遂加滉
平章事江
淮轉運使

周召由輔弼之臣兼方伯之任

方伯見後韓滉加檢校右僕射制

蓋以

理化根本在於親人通兆庶之情以佐天子秉家邦之慶以臨諸侯故能中外允釐上下無壅今我有命意其

在茲金紫光祿大夫檢校尚書左僕射兼潤州刺史御

史大夫充鎮海軍

通鑑建中二年以浙江東西觀察使蘇州刺史韓滉為潤州刺史浙江東

西節度使名其軍曰鎮海唐書地理志潤州丹陽郡又杭州有鎮海軍建中二年置於潤州二州皆屬江南道

浙江東西節度觀察處置等使上柱國南陽郡開國公

韓滉

唐書地理志鄧州南陽郡屬山南道通典鄧州春秋時申伯鄧侯二國之地秦置南陽郡晉為南陽

國及順陽義陽二郡之地隋初改為鄧州唐為鄧州或為南陽郡

文行忠信備修身之

道勤儉貞固有成務之才累更委遇多處繁重一心奉

職終始不渝內告謀猷以匡時化外持憲法以一人心

理尙廉平事皆釐飭

唐書韓滉傳時里胥有罪輒殺無貸人怪之滉曰袁晁本一鞭背史

禽賊有負聚其類以反此輩皆鄉縣豪黠不如殺之用年少者惜身保家不爲惡又以賊非牛酒不贖結乃禁

屠牛以絕其謀奸盜衰息禮義興行惠茲一方時乃之德陳師

旅以遏寇讐

通鑑李希烈將兵五萬圍寧陵引水灌之濮州刺史劉昌以三千人守之凡四十五

日不釋甲韓滉遣其將王栖曜將兵助劉洽拒希烈栖曜以彊弩數千游泚水夜入城明日從城上射希烈及

其坐幄希烈驚曰宣潤弩手至矣遂解圍去

納饋糧以修職貢張我威武實

我資儲令必應期謀無愆素濟于多難時乃之功宜其

參務中樞翼宣大化仍兼漕運兼領蕃維樹南國之風

猷

詩滔滔江漢南國之紀

瞻中都之廩實予則有望爾其懋哉繼

於前人無替厥服

謹按滉宰相韓休之子

可檢校左僕射同平章

事依前鎮海軍浙江東西節度觀察處置等使兼充江

淮轉運使餘如故

李勉太子太師制

唐書百官志太子太師太傅太保各一人從一品掌輔導皇太

子每見迎拜殿門三師答拜每門必讓三師坐太子乃坐與三師書前名惶恐後名惶恐再拜

太子出則乘路備鹵簿以從唐書李勉傳貞元初帝起盧杞爲刺史袁高還詔不得下帝問勉

曰眾謂盧杞姦邪朕顧不知謂何勉曰天下皆知而陛下獨不知此所以爲姦邪也時遶其對

然自是益見疏居相二歲辭位以太子太師罷

立國之本所係於元良

書一人元良萬邦以貞

宏教之方必由於

端士非精識前典德冠當時恭敬溫文其將安傲吾是

以輟台階之老選宗室之賢輔翼春闈

職林太子故事東宮謂之春宮

按宮中之門謂之闈春闈猶言春宮也

是資教諭檢校司徒同平章事充

大清宮使

唐書宰相表興元元年十月己卯勉加大清宮使

崇文館大學士

唐書

百官志

崇文館學士二人掌經籍圖書教授諸生課試

舉選如宏文館分注貞觀十三年置崇賢館上元二年

避太子名改曰崇文館有學士直學士及讐校皆無常

員無其人則庶子領館事開元七年改讐校曰校書郎

乾元初以宰相上柱國汧國公李勉

唐書地理志隴州汧陽郡屬關內道

為學士總館事

忠信孝友直方簡儉達君臣父子之際禮記立太傅少

知父子君臣之道也知禮樂教化之端禮記凡三王教世子必以禮樂樂所以修內也禮所

以修外也虛澹保和貞明寡欲求舊則德懋敘親則屬尊通鑑

音注孔穎達曰漢之同宗有屬則周家繫之以姓是也周禮小史之官掌定帝繫世本知世代昭穆屬殊玉

翻謹按李勉傳勉鄭惠王元師範國儲揚子法言務學

懿會孫鄭惠王高祖子也無易其選可檢校司徒兼太子

也者人之模範也魏書高允傳殿下國之儲貳太師散官封勳如故

姜公輔左庶子制唐書百官志左春坊左庶子二人正四品上掌侍從贊相駁正

啟奏總司經典膳藥藏內直典設宮門六局通典古者天子有庶子之官職諸侯卿大夫之庶

子掌其戒令與其教理有大事則帥國子而致於太子唯所用之秦因之置中庶子庶子員漢因之有庶子員五人隋分為左右庶子各二人分統門下典書二坊事唐亦各二人左擬侍中

而右擬中書令

君之任臣有優賢賜告之義

漢書高帝紀高祖嘗告歸之田注李裴曰休謁之名

吉曰告凶曰寧孟康曰古者名吏休假曰告漢律吏二千石有子告有賜告予告者在官有功最法所當得也賜告者病滿三月當免天子優賜其告使得帶印綬將官屬歸家治病師古曰告者請謁之言謂請休耳或謂之謝謝臣之事君有量力知止之道老子知足不殆故能亦告也

進退以禮終始可勝此朕三事大夫濟理圖全之意也

詩小雅三事大夫莫肯夙夜邦君諸侯莫肯朝夕箋三事公及諸侯隨王而行者正義曰鄭言三公者以經三事

大夫爲三公也王肅以三事爲三公大夫謂其屬按上文正大夫爲一人三事大夫不得分爲二也且其文對邦君諸侯其意亦謂此爲三公也守諫議大夫同平章事賜紫金魚袋

姜公輔

唐書車服志高宗給五品以上隨身魚銀袋以防召命之詐出內必合之三品以上金飾袋垂

拱中都督刺史始賜魚天授二年改佩魚皆爲龜其後三品以上龜袋飾以金四品以銀五品以銅中宗初罷龜袋復給以魚郡王嗣王亦佩金魚袋景龍中令特進佩魚散官佩魚自此始也然員外試檢校官猶不佩魚景雲中詔衣紫者魚袋以金飾之衣緋者以銀飾之開元初駙馬都尉從五品者假紫金魚袋都督刺史品卑者假緋魚袋五品以上檢校試判官皆佩魚中書令張嘉貞奏致仕者佩魚終身自是百官賞緋紫必兼魚袋謂之章服當時服首擧高第擢居諫曹唐書姜公輔傳朱紫佩魚者眾矣

首擧高第擢居諫曹

唐書姜公輔傳

泚反者請爲守備盧杞曰泚忠正篤實奈何言其叛傷大臣心請百口保之帝知羣臣多勸泚奉迎乘輿者乃

詔諸道兵距城一舍止公輔曰王者不嚴羽衛無以重威靈今禁旅單寡而士馬處外爲陛下危之帝曰善悉內諸軍泚兵果至如所言乃擢公輔諫議大夫同中書門下平章事爰資美才參掌密命

居易勵修身之操見危著從我之勤自處台司

南史王僧虔傳

僧虔遷侍中左光祿大夫開府儀同三司謂兄子儉曰汝任重於朝行當有八命之禮我若復此授一門有二台司實所畏懼乃固辭累疏陳乞忌滿思退持盈守謙留中久之

通鑑音注謂所論事留在禁中未施用之

重難其請式光搗揖俾尹宮坊可

太子左庶子勳賜如故

盧翰太子賓客制

唐書宰相表貞元二年正月壬寅翰罷爲太子賓客

求賢審官以康庶績就閒優秩

南史孫謙傳詔加優秩給親信二十人以

處舊臣蓋欲敦終始之恩全進退之禮金紫光祿大夫

行門下平章事范陽郡公盧翰

唐書地理志幽州范陽郡屬河北道通典今之

幽州古涿鹿也卽燕國之都謂之渤海之閒亦一都會也秦爲上谷郡之地漢高帝分置燕國後又分燕置涿郡及廣陽國有獨鹿鳴澤魏更名范陽郡晉爲燕范陽二國兼置幽州慕容儁嘗都之北齊置東北道行臺唐爲幽州或爲范陽郡頃因多難從我於征以其年及老成任推先

進方將求舊擢處台衡荏苒迄今亟淹星歲勤勞旣久

衰疾有加

詩疾如疾首箋疾猶病也

宜徙職於春闈用優賢於暮齒

可太子賓客勳賜如故

崔造右庶子制

唐書宰相表貞元二年造罷爲右庶子百官志右春坊右庶子二人

正四品下掌侍
從獻納啟奏

帝相之職允釐百工時惟仰成不可廢闕中散大夫

唐書

百官志正五品上曰中散大夫通典中散大夫王莽所
置後漢因之魏晉無員齊梁視黃門侍郎品服冠幘與

太中

同 行給事中同平章事上柱國安平縣開國男

唐書地理

志安平縣屬深州河北道 賜紫金魚袋崔造頃居掖垣參掌樞密總

領繁重積勞疹深

張衡思元賦思百憂以自疹注疹疾也

亦既優賢賜之

長告歲聿云暮有加無瘳

詩既見君子云胡不瘳傳瘳愈也

披誠自陳

章疏三上知止之道守之甚堅處以休閒俾遂頤養

易觀

頤觀其可太子右庶子勳賜如故

終